

Os tuum affine est splendori Bandhûkæ; molles tuæ genæ, o iracunda, Cant. 19.
nitent tanquam flores Madhûkæ; oculi spargunt venustatem nymphæarum caerulearum; 14.
nasus seriem calycum Tilæ exhibet, o amata, cuius dentes Jasminos referunt. Hercle, vincit universum mundum deus floriaculus mutuando flores vultus tui.

^{alase} Languent voluptate oculi tui, vultus spargit radiationem lunæ, incessus 15.
mentem hominum delectat, femur utrumque laete sese pandit, illecebræ tuæ plenæ doctrina sunt, supercilia sunt variegata imaginum pictura; ecce, tenes, o puella, iuventam coelicolam in terram de coelo delatam. « ^{cho}

Vos benignitate dignetur Hares pugnâ congressus cum Kuvalayâpîda elephanto, 16.
cuius frontali globulo in mentem revocabantur turgidulæ Râdhæ papillæ; in qua pugna qui temere elatus est a Kansa triumphalis victoriae clamor, dum sudavit paullisper Krishnas et nisus est, mox, deiecto elephanto, cessavit.

Postquam longe blandis verbis reconciliaverat Kêçavas amatam hinnuloculam, XI.
ad umbraculum reversus est, splendido vestitu indutus, lectumque coluit. Vesper 1.
deinde, fur visum, quum proserperet, Râdham, splendido ornatu instructam, aegritudine liberam, exhortata est quaedam:

»Qui blanditiis lepidam orationem instituit, qui genua tua advolvit, et nunc Cant. 20.
torum oblectamentorum colit in gremio dulcium Açôkarum; eum sequere, o 2.
pertinax, Madhuis interfectorem, tibi devotum.

Tu, quæ turgido feminum mammarumque onere es prædita, accede lente 3.
serpentibus pedibus, cingulo gemmeo tintinniente, exhibe incessum cygni; sequere eum, o pertinax, Madhuis interfectorem, tibi devotum.

Ausculata cantui Madhuicidæ maxime delectabilî, iuvenilem gentem fasci- 4.
nanti, dum catervæ lusciniarum proclamant imperium divi, floribus vulnerantis. Sequere eum, o pertinax, Madhuis interfectorem, tibi devotum.

Viticum multitudo, manibus quasi utens congregatis lotis, vento agitata, 5.
exhortatur ad eundem temet, quæ hinnulum elephantinum feminibus refert; desine tardare, sequere, o pertinax, Madhuis interfectorem, tibi devotum.

Quære ex vasculis istis mammarum, quæ repleta sunt guttis liquoris lim- 6.
pidi, instar lucentis unionis pectori impositi, annon redundant quasi impulsu